



13. Juuni 2024

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqqutit:

- 1) Meeqqat angerlarsimaffiup avataanut inissittakkat ikilisarneqarnissaannut Naalakkersuisut iliuusissamik pilersaaruteqarpat?
 - 1a) Taamaappat, sunik pilersaaruteqarpat?
- 2) Meeqqat angerlarsimaffiup avataanut inissittakkat angerlarsimaffimminnut/angajoqqaaminnut utertinneqarsinnaanissaannut Naalakkersuisuniit iliuusissatut pilersaaruteqartoqarpa?
- 3) 2a) Aamma angajoqqaat meerarisaminnik utertitsinissaminnut angajoqqaajulluarnissaannik tunngaviliinertalimmik siunnersorneqarlutillu inerisarneqarnissaannut Naalakkersuisut sunik iliuusissatut pilersaaruteqarpat?
- 4) Meeqqat angerlarsimaffiinnut, pisortat pigisaannut namminersortunullu Namminersorlutik Oqartussat ukiumut qanoq aningaasartuuteqartigisarpat?
- 5) Kuserneq-mi immaqaluunniit MANUMi angajoqqaajulluarnissamut tunngasut siammarnissaat eqqarsaatigalugu ilikkakkat siuaruaanneqarsinnaanissaannut suliniuteqartoqalikkersarpa?
- 6) Meeqqat angerlarsimaffiup avataanut inissinneqartut angajoqqaavi pisortaqarfinit meeqqap angerlarteqqinneqarsinnaanissaannik qanoq attavigineqartigisarpat suullu pisortaqarfinniit angajoqqaajusunut suliniutigineqartarpot?
- 7) Angajoqqaajulluarnissamut Naalakkersuisut inuiaqtigiinnut sunik suliniuteqarpat?
- 8) Angajoqqaajulluarneq Naalakkersuisunit qanoq oqaasertalersorneqarpa?

(Inatsisartunut ilaasortaq , Najaaraq Møller, Siumut)

Tunngavilersuut:

Nunatsinni meeqqat 700 missaanniittut ullumikkut angerlarsimaffiup avataani inissinneqaaqqapput. Kisitsisillu appariartunngillat. Pisortaqarfiiit annertoorujussuarmik tassunga ukiumut aningaasaliisarput.



Taamaammat paaserusunnarsivoq ajornartorsiut Naalakkersuisunit qanoq massakkut iliuuseqarfingineqarnersoq imaluunniit iliuuseqarfinginiarneqarnersoq. Taamattaaq angajoqqaajulluarnerup qanoq oqaasertalerneqarnera inuiaqatigiinnut paasitsiniutigissallugu pingaartikkakku, tassaniikkami inuiaqatigiittut qanoq angajoqqaajulluarnerup naleqartinneqarnera, ataqqineqarnera pingaartinneqarneralu. Maligassiuusunik amigaateqarpugut, taakkulu nuisanngippallaarput. Angajoqqaat angajoqqaajulluarnissaannik siunnersorneqartarerat, angajoqqaatut piukkunnarsarneqartarerat aammalu ikorfartorneqartarerat paasisaqarfigerusuppara, angajoqqaat tamaasa ataatsimut isigalugit, ikorfartugassaannaat kisiisa eqqarsaatiginagit.

Inuiaqatigiit tamatta siunissarput qaamasuussappat inuiannillu peqqissunik Nunarput peqartinniarutsigu, taava pingaaqaaq angajoqqaajunissamut ersarissunik sinaakkusersuinissaq.

Apeqquutigineqartut nutsersimaneri nalornissutigineqassappata kalaallisut allaqqasortaa aallaavigineqassaaq. Apeqquutigineqartut ullut suliffiusut qulit (10) iluanni akeqquneqarput.